



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



ՅԱԿՈՒՄ

ՍՂԱԲԱԲԵԱՆ

Չ Ա Լ Օ Ի Է Ձ Ը

Պատմաւածք

Մանուկների համար

(Երեք պատկերով)

995

1-43

30 MAY 2011

թ. 201

ՅԱԿ. ԱՂԱԲԱԲԵԱՆ

891.99Ն

Վ-43 պ.

Չ Ա Լ Օ Ի Է Ձ Ը

Պատմաձք

Մանուկների համար

(երեք պատկերով)


Արտատու՝ «Հասկեր» ամսագրերից

- 5 FEB 2013

6398

Թ Ի Յ Լ Ի Ս

Էլեկտրագրւած սպարան «ՀՆՐԱՒԷՍ» Ընկ. Մաղաքեան վաղ. № 5
1906 (179)



I

ասպանց Չալօն մի էշ ունէր միայն, մի հատիկ բաժ էշ: Այն ամենն, ինչ որ ուրիշները գանազան չորքոտանիներով էին աշխատում իրանց տուն ու տեղի համար, նա՛ ուզէր-չուզէր իրան էշովն էր գործի գնում: Այնքան դէս ու դէն էին բշել, որ ուժից զցել էին խեղճ անասունին: Չալօի կին Եղսում հարսը օրական երկու ճամփայ աղբիւրիցը ջուր էր կրում այդ էշով, իսկ ինքը ջրազացն աղուն էր տանում, տնտառը փայտի գնում. սար ու դաշտի երկար ու ձիգ ճանապարհը խօ ոտից զցել էին թէ էշին և թէ իրան:

«Աղբատի լեզուն կարճ է լինում»: Ունևոր հարևաններն անգամ ձեռաց գործի համար Չօլի էշին էին վազում, առարկելով թէ իրենց էշն ու ձին տներում չեն: Մի խօսքով, ամբողջ թաղն ու թառակը օգտուում էին աղբատ Չօլի


սուս ու փուս բնաւորութիւնից և էշին ուր կամենային՝ տանում էին: Շատ բանեցնելուց և հեռու մօտիկ ճանապարհ տանելուց՝ էշը ժամերով յոգնած գետնին պառկում էր, իսկ էշի մի տարեկան բուռակը չէր դիմառել, մի օր էլ վեր էր ընկել ու սատկել:

Այդ բոլոր շարժարանքը կարծես բաւական չէր. Չօլի էշը ուրիշ թշնամիներ էլ ունէր: Ամբողջ գիւղի շարածնի մանուկները՝ հէնց որ էշին գտնում էին պարապ, մի հնարքով դռնիցը հեռացնում էին և՝ ջուխտ ու կենտ վրան թափելով, այնքան վազում ու վազեցնում էին անբան անասունին, որ քափ ու քրտինքի մէջ լողացնում էին նրան:

Մանուկների այդ անպիտին վարմունքը ցաւ ու կրակ է դարցել Չօլի համար: Մեծերին, որպէս թէ «խաթրիչուն» բան չէր ասում, իսկ փոքրերին թէկուզ մտածում էր պատահած ժամանակը մի լաւ թակել, բայց այնպէս փախչում ու թազնւում էին անպիտանները, որ նրա առաջը մնում էր միայն էշը իշացած կանգնած: Այսպիսի գէպքում, Չալօն իր սրտի զայրոյթը էշիցն էր հանում. այնքան «վեր էր հատում», որ էշի ետին ոտքերն ուղիղ գնալու փոխանակ միշտ թեք-թեք էին գնում:

Չէնց որ մի կիրակի կամ մի տօն օր էր գալիս, մանուկների բախտը բանում էր: Նրանք դիտէին որ «հուքմի» օրը Չալօն գործի չէ գը-

նում, ուրեմն և էշը տանն է մնալու և աղ թէ ուշ գոմից կամ մարազից արօտին են արձակելու: Չարածնիները խումբ-խումբ շտապում էին գէպի Չօլի տունը և հեռու մօտիկ այնքան «մլուր» էին անում, մինչև որ էշը դռներին կերևար: Նրանց մէջ չորս թէ հինգ հոգի շատ



Չալօի եօր ջրաղաց և գնում:

չարերն էին. հաստապուօշ Մալրօն, մեծաոտի Վասիլը, բզէզ Նեսօն և ծակփափախ Մուկուշը, իրենց հանգ ու հնարքով միւսների խմբապետներն էին: Ով շուտով էշին իրան ճանկն էր գըցում, նորա կոճին «ալչու» էր. առաջինն ինքն էր հեծնում, գիւղից հեռացնելուց յետոյ՝ «ջիրիթախազ» սարքում և ապա հերթով միւսներն էին «պոչահանար» և «քարւան կտրէք» խաղում:

Մի անգամ՝ «շուխտ հուլքմի» էր. երկու օր շարունակ Չալօն տանն էր, շաբաթն ու կիրակին անգործ էր անցկացրել: Նա մտադիր էր կիրակի երեկոյեան, զանգակներից յետոյ, էջը բարձէր ու ճանապարհէր դէպի իր մի հատիկ արտը, որը գտնուում էր գիւղի հանդիցը դուրս: Նա ուզում էր շուտ գնար, որ գիշերը արտի ծայրին քնի, երկուշաբթի առաւօտ կանուխ գործի կպչի:

էջը դռներին չէր: Չալօն գեղամէջ իջաւ, դէս ու դէն նայեց, սրա ու նրա դոմ ու մարազը մտաւ, այս ու այն կալապանն ու շվարարանը տնդդեց, բայց էջը չը կտր ու չը կար: Իսկոյն հասկացաւ, որ չարամիտ երեխաները նորից էշին տարել էին տանջելու. զայրացած՝ վերցրեց մի հոնի «եղան», գիւղիցը դուրս գըգնալով դէպի մօտակայ արտերը՝ սկսեց անդադար աղաղակել. «էհէյ, էշ տանող, էհէյ, էշ տանող»:


Սակայն և ոչ որ չէր պատասխանում:

Չալօն աւելի կատաղեց և բերանը փրփըրով լիքը այս անգամ սկսեց թունդ-թունդ հայհոյանքներ թափել «անամօթների» գլխին: Երբ տեսաւ որ դարձեալ պատասխանող չը կայ, այնուհետև սկսեց ինքն իր էշին անիծել. «Երանի բեզպէս ապրանք ուրիշ էլ ունի, թէ կենդու ես եմ. գէլն ուտի բեզ ինչ հայվան (առասուն) ես հմ:

Այսպէս շարունակ ինքն իրան խօսալով՝ ա-

ռաջ էր գնում և այս ու այն կողմը նայելով մտածում էր. — «Չը լինի թէ՛ գրողի տարած տըղաները էշիս քարհերէց վայր գցած լինեն, կամ մի ծածուկ տեղ թողած ու էս գշեր գէլերի բաժին դառնայ»:

Մինչ այս մինչ այն, Չալօն քանի յիշում



Չալօի եօր յոգնած քնած եւ նրա մի արեկան բուռակը:

էր իր էշի կուլ-կուլ գոոցը», այնքան հոգին նւազում էր և աչքերը մթնում:

Մի առ ժամանակ այս ու այն կողմը ընկնելուց յետոյ, յանկարծ նկատեց որ դիմացի սարիցը իրանց նասիբ ապին ցած է իջնում: Իսկոյն բարձրացաւ մի թմբի գլուխ, ձախ ձեռքը

ականջին դրեց, աջ ձեռքով փափախը վերցրեց ու օդի մէջ ցած ու բարձր անելով սկսեց կանչել.

— Էհէյ, Նասիր ւալի, ւալի, ապիիի.

Նասիր ապին Չալօի հօրեղբայրն էր: Թէպէտ ծեր էր ու մազերն ալետր, բայց դեռ սուր լսողութիւն ունէր: Լսելով Չօլի խօսքերը, ընդհատեց քայլերը և պատասխանեց.

— Հէյ, ւղա, էդ ինչն, էդ ինչ ւ ւ ւ ...

Չալօն այնքան պինդ էր աղաղակում և այնքան յուզւած էր, որ Նասիր ապնի ձայնը անլսելի մնաց նրան և շարունակեց.

— Ա՛ խլանաս դու, ւալի, Նասիր ապի.

— Աղա, էդ ինչն, ինչն, իմանում չէս:—

Չալօն շարունակեց.

— Մեր էջը տեհար ո՛չ, մեր էջը տեհար ո՛չ, էջը, էջը.

— Տեհա, համա բերի ո՛չ, տեհա համա բերի ո՛չ.

— Դ՛վօրը (որտեղ) տեհար, դ՛վօ՛րը:

— Քարաբակուտի վերի լանջի՛ն, վերի լանջի՛ն:

— Հիմի որ գնամ, ընդեզ կըլի թէ ո՛չ, ընդեզ կըլի թէ ո՛չ.

— Բաս հօ գէլը կերաւ ո՛չ, բաս հօ գէլը կերաւ ո՛չ:

Մինչ այս ու մինչ այն, արդէն երեխաները իրանց անելիքը առաջուց արել և վերջացրել էին: Երբ տեսել էին Նասիր ապնին, էջին թո-

ղել էին և «քարակիտուկների» տակը տապ արել: Այժմ էլ, երբ ականջներովն ընկաւ Չալօի և ապնի «ձէնն ու ձունը», ամեն մէկը շտապեյ էր փախչել: Հաստապուօջ Ապրօն, որպէս զի Չալօին վախեցնի և հնարաւորութիւն տայ ընկերներին անվտանգ զիւզը մտնելու, բարձրացել էր մի սաղարթախիտ կաղնի ծառ և այնտեղից կանչում էր.

— Էհէյ, իշատէ՛ր, էջն արտը կերաւ, էջն արտը կերաւ, կերաւ.

Չալօն երբ լսեց այս աղաղակը սփրթնեց. նա լաւ գիտէր, թէ արտերի պահապանը էջին բռնի և «տուն անի», ահագին տուգանք են խլելու իրանից: Իսկոյն ձայնը կտրեց և սուս ու փուս, ծածկաբար ձանապարհով այնպէս քայլեց դէպի ապնի ցոյց տւած տեղը, որ չը լինի թէ մէկը տեսնի և «խարար» տայ դօրօղչուն (պահապան), թէ Չալօն էջին էր ման գալիս և նրա էջն է, որ արտն էր ընկել և կերել:

Այս խորամանկ հնարքով, երեխաները գնացին զիւզը և Չալօն էլ տեղ հասաւ ու էջին դրտաւ: Խեղճ անասունը կանգնած էր զլուխը խոնարհեցրած, ականջները ցած ընկած, պոչը ոտքերի «արանքը» սեղմած, իսկ մէջքի մագը շատ նստել ու վեր կենալուց «փետած» ու ցած էր թափած: Նա թէև ար քաշեց ու բթի ծակերից բարկութեան ծուխ ելաւ, սակայն պահապանի

երկիւղից, առանց մի խօսք ասելու, առաջն առաւ, տունն բշեց:

Չալօն կատարեց ամեն ինչ, էշին տեղաւորեց, և՛ որովհետև շատ ման գալուց և բարկանալուց յոգնել էր, այդ երեկոյ էլ չէր կարող հնձի գնալ. մտաւ տուն, Եղսում հարսի պատրաստած սովորական ընթրիքը մաքրագարդեց և պառկեց ընելու, որ առաւօտեան վաղ ճանապարհէի:

Մեր չարաձճիների արարմունքը այդ հետեանքն ունեցան Չալօի և նրա էշի գլխին:

II

Նուազաւ:

Կենդանացաւ գիւղը, ոտքի ելաւ և Չալօն: Եղսում հարսը վաղուց էր վերկացել և պաշարի խուրճինը պատրաստել: Հացը, սըխ տորն ու քացախով լիք կճուճը խուրճինի մի մասն էր ածել, իսկ սրոցը, «մասնոցն», «սահէնն» ու «փարչը» միւս: Էշին էլ մի լաւ թիմարելուց յետոյ՝ փալանն ու չուրը կապել էր ու պատրաստել:

Հէնց որ Չալօն ոտքի կանգնեց, հագաւ իւր հնձի «արաքեօհնակը», (սպիտակ շապիկ) երեսին մի երկու «չուփ» ջուր խփեց, գլխի փափախով երեսը աջ ու ձախ քամսեց, սրբեց, մանգաղն էլ թեկին ձգեց ու բեռնած էշին առաջըն անելով՝ դուրս գնաց անից:

— Տէր Աստուած, իմ երեսը Բոտոի տակը, դու

ըլես աղբատիօգնականը, շարունակ կրկնում էր նա:

— Այ մարդ, ձայն տւեց Եղսումը, զգոյշ կաց օձից, գէլից. թէկ կը հնձես ու չուստ ետ կը գաս, աչքս ճանփիդ է մնալու:

Չալօն գնաց: Գնում էր՝ էշին «թօշ-թօշ» անելով ու մի հաց կռան տակը դրած, և ուտում էր, և մտածում:

— Վերի փէշից կսկսեմ հունձը, մինչև ճաշը կաղնիներին կը հասնեմ ու մի քիչ «պատառ-մատառ» կանեմ (նախաճաշ) յետոյ մինչև ըրդ-նաթամ մի երեք տասնեակ խուրճն էլ որ կապեմ, հալալ կըլի իմ կերածը:

Գնալիս. աղբիւրից փարչը ջրով լցրեց, ինքըն ու իր էշն էլ մի կուշտ ջուր խմեցին և շարունակեցին ճանապարհը: Սրեւ «միշւան» բարձրացել էր, որ նրանք տեղ հասան: Չալօն շատ ուրախացաւ, երբ հասուն արտը տեսաւ, նրա մտքով անցած հազար ու մի տեսակ շար ու վնասակար ենթագրութիւնները կորան, քէֆն եկաւ, որ հասկերը դեռ ոտքի վրա էին ու չէին «կծղել», փչացել: Թէև ճանապարհին նա շատ կծղած արտեր էր տեսել և կարծում էր թէ իրանն էլ նոյն օրին կըլինի, բայց փառք Աստուծու, նա չէր դժբախտացել. արտը «սաղ-սալամաթ» հնձի էր սպասում: Նրան թւաց թէ՛ հասկերը իրար քամսելով, մի խոնարհ ողջոյն տւին իրան. փափախը վերցրեց, ծունկ չորեց, հասկերից մի փունջ բռնեց և համբուրեց. յետոյ

աչքերն զէպի երկինք բարձրացնելով ասաց.

—Տէր Աստուծ, քաղցրնա բու դատաստանը, մինչև օրս պահել-պահպանել ես ինձ, օրէս զէնն էլ սաղութիւն տուր, անվնաս հնձեմ, խըրձեմ, դիզեմ, կրեմ, կասեմ ու «գեղնազարդիս» տիրանամ, յետոյ ես զիտեմ իմ մարդկութիւնը:

Յետոյ վերկացաւ, էշիցը խուրջինն ու փալանը իջեցրեց, արձակեց արօտի, թաշկինակով գլուխը կապեց, հնձի մատնոցը ձախ ձեռքի մատներին հազաւ, աջով վերցրեց կեռ մանգաղը և երեսին խաչ հանելով՝ սկսեց հնձել: Ուրքան հնձում էր և ոսկեփայլ հասկերը բուռն էր անում, դաստայ հաւաքում, գետնին դարսում, այնքան աւելի քաջալերւում էր: Հնձեցու հրնձեց, արևի թէժ բոցն ու կրակը չէր ազդում ոգեւորւած մշակին: Գրտինքը ճակատից և ականջների բամակից կաթկթում էր, թիկունքն ու կուրծքը խօ և քրտնում, թաց էր լինում, և տաք արևի տակ չորանում. այս դրութեան մէջ նա՝ դարձեալ հնձում էր: Երբ «սովեց», մանգաղն առաւ ու գնաց կաղնիների սուերների տակ նստեց, աջ ցուցամատով ճակատի բրտինքը ծոր-ծոր ցած թափեց, ապա՝ «սահէնը» հանեց, սխտորը մէջը ծեծեց, քացախով լցրեց, հացը բրթեց մէջը և մի կոշտ կերաւ: Թըթեաշ «բրթոշը» այնքան ախորժելի և գովացուցիչ էր Չալօի փորին, որ երկրորդ անգամ՝ պատրաստեց և կերաւ: Յետոյ «փարչը» շրթունքներին գնե-

լով՝ մի կուշտ էլ ջուր խմեց բթացած մանգաղը սրեց և դարձեալ ոտքի կանգնեց և ըսկսեց իր գործը: Այս անգամ այսպէս էր մտածում.


—Մինչև մութը կըհնձեմ, դաստէր կանեմ, իրիկնապահին՝ «կէմ-ներ» (կապիչ) կը պատրաստեմ ու խուրձը կը կապեմ:

Այդպէս էլ արեց. երեկոյեան, երբ հա մարեց՝ չորս տասնեակ խուրձն էր հնձել ու կապել:

էշի քէֆն էլ լաւ էր. թէև արևի տակ, ճանձի յարձակումից հանգստութիւն չունէր, բայց անուշ և թարմ խոտից այնքան կերել էր, որ փորը ուռել էր:

Երբ մութը մթնեց, Չալօն նորից հաց կերաւ: Նրա դարդը այս անգամ էշն էր. ո՞նց անէր, որ էշին անվտանգ պահէր: Նա լաւ գիտէր, որ այդ հանդումը շատ գայլեր կան, հէնց որ հօտն առնեն՝ կը գան և կարող է պատահել որ էշն էլ ուտեն, իրան էլ: Մտածեց, մտածեց և ճարը գտաւ, փալանը ծածկեց էշին, որ գիշերային ցրտից չըմբսի, չլանի մի ծայրը կապեց նրա ոտից, միւս ծայրը իր ոտից, որպէս զի էշը չը կարողանայ հեռանալ ու մի պատուհասի չը հանգիպի: Յետոյ մի կակուղ քար գլխի տակ զրեց, չուլը վրան գցեց ու քնեց: Յոգնած մարդ և քաղցր քուն. այնպէս խորը քնեց, որ գուռնայ փչէիր ականջին՝ չէր իմանայ:

«Քնածն ու մեռածը մէկ է»: Գիշերւայ մի



Մի սոված գայլ «պուպուզ» եկ ու ու նստեց եփ առաջ:

ժամանակ, որտեղից որ էր, մի սոված գայլ «պուպուզ», եկաւ ու նստեց էշի առաջ: Էշը՝ նկատելով իր անհաշտ բարեկամին, սկսեց զուռալ: Մէկ, երկու զուռաց, — ոչինչ չեղաւ: Գայլն ուզեց իր սովորութեան համեմատ էշին փախսը տալ. դէս թռաւ, դէնն ընկաւ, առաջը ծուլ-ծուլ եղաւ և մի քիչ տեղ վազեց, որ էշը հետեի իրան, բայց երբ տեսաւ, որ նա տեղիցն անգամ չը շարժւեց, բարձրացաւ ու թռաւ, էշի կոկորդից այնպէս պինդ բռնեց ու սեղմեց, որ երկու ըռպէից յետոյ՝ անազին անասունը անշնչացած գետին ընկաւ:

Էշի մին ու սոված գայլ, ուտում ու թափահարում էր: Քանի նա գէշը քաշըշում էր այս այն կողմը, այնքան չւանը ձիգ-ձիգ էր լինում: Չալօն իմացաւ, սակայն իրան չը կարողացաւ պարզել. նա կարծում էր թէ էշը ուզում էր տեղը փոխել ու հեռանալ և երբ ձգձգւող չըւանը մի ծայրիցն էլ նրա ոտն էր բաշում, նանգադար կրկնում էր.

— Թ'օ՛շ, թ'օ՛շ, գէլն ուտի քեզ...

Եւ գայլն արդէն ուտում էր: Կերաւ ամբողջ «մարմինը», փորն ու փորոտիքը, մինչև անգամ չորս ոտն ու գլուխն էլ կաշւեզերծ արեց: Էշի ոտքերը կրծելիս, չւանը նորից շարժւեց և Չալօի ոտքը նորից թափահարեց. այս անգամ դարձեալ խումփալէ սրմնջաց նա.

— Թ'օ՛շ, թ'օ՛շ, գէլն ուտի քեզ՝ ինչ անասուն, ես հա՛:

Առանց Չալօի կամքի, արդէն դայլը էշին մարբազարդել էր. և նրա կմախքն էր մնացել միայն: Երբ ամեն բան վերջացրեց դայլը՝ դունչ ու մունչը լիզելով, դուլին առաւ ու կորաւ:

Առաւօտեան ցուրտ քամին մրսեցրեց քնած Չալօին: Նա յանկարծ վեր թռաւ, ծոյլ-ծոյլ օրանջեց, աչքերը տրորեց և այս ու այն կողմն նայեց—էշը չէր երևում. թէև չւանի մի ծայրը, իր ոտիցն էր կապած, բայց միւս ծայրը չըկար: Նա կարծեց թէ էշը կտրած կը լինի և հեռացած: Ոտքի կանգնեց և ինչ տեսաւ—սիրուն էշի ոսկորներն են շարւած մնացել չւանի ծայրից: Ախ բաշեց Չալօն, ծնկներին ու գխին վեր հատեց, բայց իզուր... Յետոյ, կարծես ինքնաբերաբար նա արտասանեց.

—Այ շան տղու ապրանք, ասնք վէր էր կոխել քեզ Աստծու անիծած գէլը ու չարչարում էր, բաս չկարողացար մի դռալ էլ ս, որ իմացել էի ու մի ճար արեի...

Հինգերորդ օրը, երբ Չալօն հնձիցը վերագարձաւ, եղսում հարսը տեսաւ որ էշի փալանն ու խուրճինը իր մարդի մէջքին է բարձւած: Իսկոյն հասկացաւ նա իրանց թշւառութիւնը: Այնուհետև Չալօն էշի գործն էլ ինքը վիզն առաւ, և այդպէս էլ մեռաւ նա, ու նոր էշի էլ չարժանացաւ:

Եւ քանի այդպիսի թշւառներ կան մեր գիւղերում...



« Ազգային գրադարան



NL0399123

Պատասխան են սպազորքեան համար հետեւեալ
աշխատութիւնները

1. Գ.Ա.Ղ.Ա.Փ.Ա.Ր.Ի ՀԵՐՈՍԸ
2. Գ.Ի.Դ.Ա.Կ.Ա.Ն ՅԵՑԵՐ, I մաս. (Ղազարսի կեանքից):
3. ՇԱՏԵՐԻՅ ՄԷԿԸ, (Քիֆլիղի կեանքից):
4. ԱՐՑՈՒՆՔՆԵՐ, (Բանաստեղծութիւն):

ԳԻՆՆ Է Յ ԿՈՊ.